

“ Mutetus frorius “

Segunda fasi.

1

Custa sa segunda fasi
totu timi, timi, andeus
po non tòrrai arrui.

Rima

Deu domandu a Tui
poita Santu e Deus
si nanta de oi a crasi.

2

Non tèneus certezza
camminendi in su scuriu
cun custa qorantena.

Rima

Su coru miu in pena
ti giuru amori miu
ti mandu una carezza.

3

Custa separazioni
tanti tempus àici
mi pungit a su coru.

Rima

Gei scisi ca deu t'adoru
e bòlu bivi felici
ses tui sa soluzioni.

4

Speru chi giri su bentu
e ndi pighit custu mali
ponendiddu foras de usu.

Rima

Si amori non podis prusu
mandamìddi su sinali
ca m'has biri contentu.

5

Totu su mundu è tristu
po crupa de custa araxi
pagu giusta e sincera.

Rima

Deu ti fazu una preghiera
po si tòrrai sa paxi
pensanci Tui o Gesù Cristu.

6

Asuta de s'ombrelloni
crasi tòrraus a mari
e feus unu bellu tuffu.

Rima

De pandemia seu stuffu
Immòdi totus impari
festa, missa e profессиoni.

Raffaele Lussu

Sinnai 16/05/2020